

第一名

郭功臣

光復

得獎感言

承蒙教育部、承蒙評審，分僇做得用客語記錄這埕土地个痛，也記下大自家共下恢復家園个韌性。希望這首新詩做得提醒僇俚，防災摻重建永遠做毋得靠運氣。承蒙逐位肯講母語、寫母語个人。

感謝南崁國中傅安娟校長、進修部楊世章主任、楊松儒組長，在僇人生最烏暗該時，牽等僇行出深壠，指點光个方向。

最尾感謝桃園國中火辣辣群个逐儕，在僇分人打落時，你兜个扶持摻鼓勵，正有這首作品出現。你兜逐儕都係僇生命个光。



光復

層層疊疊个山坑壁壑，
泥石滾落。

塵灰蒙到歸片蓬白，
馬太鞍溪，到這聚總。

海頂風搓打等暗號，
淅淅颯颯个風雨聲，
化做磅磅滾个汶水。
烏黝个水龍，繞等山花，
吮等地皮，食落泥肉，吞下沙壩。
礫礫砣砣，呷等石牯。

穿礮蔭田，沖入莊肚，
泥糜水一陣接等一陣，
浸等祖祖輩輩个風水，
掩礮高高矮矮个屋棟，
埋沒世世代代个影像。

泥沙一層壓等一層，
塞淦胥胥趁趁个街路，
揸忒噉噉嘶嘶个人聲，
拿密恬恬靜靜个神佛。

天，甫甫仔暗下來，
日頭毋見，光影無路。



地骨走盡敲臼¹，山林斷筋折骨。

光，射入該塌空个屋頂。

細妹甥一聲：「喔耶！」

喊出顧家阿公个希望，

揸等顧孫阿婆个盼望。

風柔柔仔吹，帶來四方个人，

光，映在汗流脈絡，人儕个目珠；

砂鐮擎高，水靴躁在該泥漿項。

風靜咧，滿地都係醺醺个泥味。

一剷接一剷，

心肝哼哼跳个聲，

就像老祖公開山打林，

掘出該歷史个光景，

挖出該先人个蹤跡。

嗽聲、喊聲、罵聲、歌聲、警報聲……

句句全係為著這埕土地个名。

恢復該頭擺个曾經，

撐起該往擺个聲氣。

漸漸——山恬靜，水轉清。

日頭在天頂，

光，穿過雲，直直照等僇俚。



土地，無光復；
毋過，臺灣人，帶等砂鐮，
來——光復。

光，緊亮；
復，未盡²。



註解

1. 𨮒𨮒：音lud ku`，係華語「脫臼」个意思。
2. 尾兩句無論係從左，抑係從右「直式」讀，都係朝等「光」个方向。

